



Kamis, 26 September 2024
Ogen : Perb. Rasul 18:1-3



Perbulangenu Kandu-Kanduku



Ngoge tema enda pe enggo me cirem-cirem dinggen meriah kel ni ukur. Siinget kenca tupung kita erteman-teman ndube, tuhu lit bas keriahen, kemalemen ate, mesikel lalap kita jumpa ras ia. Kune kita ercacak-cacak jumpa lalap bual e piah la gejam enggo erjam-jam kita ngerana. Bagem riahna e maka si bahan me keputusan maka ia me jadi perbulangen i bas geluhta. Ia me kandu-kanduta. Kenca piga-piga tahun ngeluh i bas perjabun, payo denga nge meriah siakap bagi ope denga kita erjabu? Lit denga nge ndia ketedehen ndekah ngerana ras-ras janahna tawa ras cirem kita. Entah enggo usuren jumpa das, bagi si mekatap ikataken lewat sepuluh menit minter la siangkan bas ngerana?

Prisila ndehara Akuilla. Dahinna erbahan tenda. Ersada arihna bas ndahiken dahin e. Tapi lit paksa ia ngungsi, janah gulung tikar bas usahana e nari. Ngeluh i bas kesusahen ekonomi, pindah-pindah ras sidebanna. Situasi si mesera enda la erbahanca Prisila jungut-jungut entah merawa-rawa kempak perbulangenna erkiteken sulitna kegeluhen. Prisila tetap ncidahkan kehamatenna man perbulangen arah tetap ikut rassa kuja perbulangenna ku je me ia lawes. Tupung susah pe la itadingkenna, janah lebih asa si e i bas kesusahen e ka nge ia radu ras ikut muat bagin guna nampati perberita si meriah. Teridah maka Prisila ncidahkan kesetianna arah njadikan perbulangen jadi kandu-kanduna. *"Bukan karna kurangnya cinta, tetapi kurangnya persahabatan yang membuat pernikahan tidak bahagia."* Kandu-kandu e me si ngasup ngaloken dirinta uga litna, nutupi kekurangan dinggen teman arih si maba kemalemen ate. Teklah adi perbulangenta jadi kandu-kanduta, si gejamken me nanam surga e i tengah-tengah jabunta. Keriahen, kemalemen ate rikut ras kesangapen sampur me si jadi.